

## NOVOIZGRADJENI OBJEKAT

Povodom otvaranja novoizgrađenog objekta Zavoda za saobraćaj, Zavoda za hidrotehniku i Odsjeka za geodeziju Gradjevinskog fakulteta u Sarajevu, za ovu svečanost, dekan Gradjevinskog fakulteta u Sarajevu, doc. mr Faruk Selesković, obratio se zvanicama slijedećim riječima:

Drugovi i drugarice,  
druže rektore,

drugovi predstavnici republičkih organa, samoupravnih interesnih zajednica, radnih organizacija iz oblasti saobraćaja, hidrotehnike i geodezije, dragi gosti,

Otvarajući ovu skromnu svečanost želim prije svega u ime Zavoda za saobraćaj Gradjevinskog fakulteta, Zavoda za hidrotehniku Gradjevinskog fakulteta i Gradjevinskog fakulteta u Sarajevu da Vas sve srdačno pozdravim i zahvalim što ste svojim današnjim prisustvom uveličali ovu našu prigodnu manifestaciju povodom završetka gradjevinskih radova na dogradnji laboratorijskog prostora u ovom našem objektu. Ideja o ovoj dogradnji postoji već više godina, a stvarni početak njene realizacije bio je uslovljen mogućnostima finansiranja. Pokretač inicijative za ovu izgradnju je bio Zavod za saobraćaj Gradjevinskog fakulteta u Sarajevu, koji se i suočavao sa najtežim problemima smještaja, pošto prostor s kojim je do tada raspolagao bio je toliko malen i neadekvatan, da već nekoliko godina postaje jedan od kočnica njegovog daljeg razvoja. To su uočili i njegovi radni ljudi, koji u tu svrhu po cijenu niskih ličnih dohodaka i velikih ličnih odricanja, izdvajaju po završnim računima već više godina značajna sredstva namjenjena dogradnji svog radnog prostora. U tom pogledu treba zaista odati veliko priznanje visokoj samoupravljačkoj svijesti radnih ljudi ovog Zavoda. Može se s punim pravom ovdje istaći da osnovne intencije sadašnje naše stabilizacije su daleko ranije zaživile u svijesti radnika ovog Zavoda. Zaista nije bila laka stvar, ovom relativno malom kolektivu, akumulirati za poslednjih nešto više od pet godina sredstva u iznosu od skoro 25 miliona dinara.

Logično je da se ovaj naš vrijedni kolektiv obratio, za saradnju u zatvaranju konstrukcije finansiranja u I fazi izgradnje istočnog krila i nadogradnje IV sprata, svom osnivaču Gradjevinskom fakultetu, tim više što je 1973. godine osnovan na našem fakultetu novi Geodetski odsjek, budući Institut za geodeziju, a pri tome nije dobijen ni kvadratni metar novog prostora.

Ovdje treba odati priznanje samoupravnim organima Fakulteta na razumjevanju opravdanosti ove investicije, izdvajanju udruživanju sredstava Samoupravnim sporazumom sa Zavodom za saobraćaj Gradjevinskog fakulteta i zatvaranja konstrukcije finansiranja za I fazu dogradnje. Za nosioca investicija odredjen je Zavod za saobraćaj Gradjevinskog fakulteta.

Radnici Odsjeka za geodeziju, iz godine u godinu povećavaju prihod kroz direktnu saradnju sa udruženim radom, te su ove godine ostvarili prihod preko 10 miliona dinara. Uz lično odricanje, na indirektan način omogućili su ovu izgradnju, tj. svojim radom i ostatkom dohotka omogućili veću akumulaciju Fakulteta i pokrivanje ove investicije.

Krajem avgusta 1981. godine sklapa se ugovor o gradnji sa "GRO-anica" i odmah pristupa gradjenju. S obzirom na potrebu proširenja svog radnog prostora i Zavod za hidrotehniku zajedno sa Zavodom za saobraćaj i Gradjevinskim fakultetom zatvara konstrukciju finansiranja II faze izgradnje koja odnosi na zapadno krilo objekta.

Ukupan prostor ovom dogradnjom iznosi oko 1500 m<sup>2</sup>, a odnos između pojedinih korisnika odgovara njihovom ulaganju, tj. Zavod za saobraćaj i Gradjevinskog fakulteta u odnosu na Gradjevinski fakultet u odnosu na Zavod za hidrotehniku Gradjevinskog fakulteta cca 60% : 30% : 10%.

Ovo je jedan od rijetkih primjera da se cijela konstrukcija finansiranja u potpunosti zatvara sopstvenim sredstvima. U materijalima saopštine opštine Centar koja je održana upravo juče, naš Zavod za saobraćaj i Gradjevinskog fakulteta, koji je nosilac investicija našim udruženim sredstvima istaknut je kao jedinstven primjer u politici investiranja gdje je sve urađeno počev od projektovanja pa do završetka gradnje u roku i sopstvenim sredstvima, sve u duhu politike društveno-ekonomske stabilizacije.

Ovom izgradnjom stvara se solidna materijalna baza budućih: Instituta za saobraćaj i organizaciju rada, Instituta za hidrotehniku i Instituta za geodeziju, osnovnih organizacija nove radne organizacije Gradjevinskog fakulteta Univerziteta u Sarajevu, za koju je prije dva dana, u šest postojećih radnih organizacija usvojen Samoupravni sporazum o udruženju u novu radnu organizaciju putem referenduma.

Pošto je novi prostor namjenjen uglavnom potrebama laboratorijskog rada, to će i naš fakultet dati dragocjen doprinos postizanju većeg kvaliteta i naučno-istraživačkog, kao i stručnog rada. Ovo će omogućiti da se nauka i struka na Fakultetu i našim naučno-istraživačkim organizacijama uzajamno prožimaju, da čine jednu nedjeljivu cjelinu, što se u potpunosti poklapa sa poimanjem savremenog visokoškolskog obrazovanja.

U duhu takvih kretanja treba gledati vrlo razvijenu saradnju između Zavoda za saobraćaj, Zavoda za hidrotehniku kao i Odsjeka za geodeziju našeg fakulteta sa mnogim organizacijama udruženog rada materijalne proizvodnje i društvenih djelatnosti i mnogim samoupravnim interesnim zajednicama. Pri tome treba posebno istaći saradnju sa SIZ-om nauke BiH, SIZ-om za magistralne puteve BiH i SIZ-ovima za regionalne puteve Sarajevo, Tuzla, Travnik, Doboј, Banja Luka, SIZ-om za vodoprivredu, Republičkom geodetskom upravom, Geodetskim zavodom Sarajevo, Zavodom za izgradnju grada Sarajevo, Zavodom za vodoprivredu, mnogim organizacijama "Vodovod i kanalizacija", "Sarajevo-Gas", Institut za arhitekturu, urbanizam i prostorno planiranje Arhitektonskog fakulteta u Sarajevu, gradjevinskih radnih organizacija "Put", "Hidrogradnja", "Bosna", "Bosanski putevi", "Vranica", "ŽGP" i mnogim drugim.

Sigurni smo, da bez ove saradnje nebi mogli postići ni blizu što imamo sada i što namjeravamo činiti i u buduću. Ovo je značajan trend, ne samo za navedene radne organizacije nego i za buduću radnu organizaciju Gradjevinsko-geodetski fakultet Univerziteta u Sarajevu, pa i za udružen i rad materijalne proizvodnje i društvenih djelatnosti iz oblasti saobraćajne hidrotehnike i geodezije naše republike, jer će ovaj prostor omogućiti veći kvalitetniji naučno-nastavni i naučno-istraživački rad u ovim oblastima, će pospješiti još veću integraciju djelatnosti visokoškolskih organizacija udruženog rada i organizacija udruženog rada materijalne proizvodnje i društvene djelatnosti u ovim oblastima.

Na kraju ove kratke uvodne riječi, dozvolite mi da se zahvalimo graditeljima GRO "Vranice" koji su u dogovorenim rokovima i sredstvima završili ovaj objekat. Pohvalu zaslužuje, za odličnu saradnju, rukovodilac gradilišta Ing. Olga Bojanić. Zahvaljujemo komšijskom Institutu za arhitekturu, urbanizam i prostorno planiranje Arhitektonskog fakulteta u Sarajevu na dobrom projektu, te projektantima doc. Mirzi Gološu koji je vršio i nadzor nad gradnjom, kao i asist. Vahidu Hasanoviću koji je uradio statistički račun.

Zahvaljujem svima onima koji su doprinjeli ovoj izgradnji.

Ja posebno osjećam potrebu da u ime svih zahvalim Prof. Veljkoviću, na izuzetnoj angažovanosti u ovom značajnom poslu, i da izrazim mišljenje svih nas da bez njega najvjerovatnije nebi postigli ovaj uspjeh.